

修真十書武夷集卷之四十八

某六

海南白玉塔著

先生曲肱詩

昔在青華第一宮，  
抵緣醉後怒騎龍，  
傾翻半滴金瓶水，  
不覺人間雨發洪。

玉皇有勅問神霄，  
誰去騎龍亂作妖，  
自別雷城一迴首，  
人間天上已相違。

請看塵世意，  
徘徊鍊盡金丹待鶴來，  
歸去神霄朝玉帝，  
依前命我掌風雷。

五雷深鎖玉清宮，  
白鶴呼風唳碧空，  
說著這般辛苦處，  
三千玉女蹙眉峯。

太一天皇謁紫清，  
翠娥百萬擁雲軒，  
當時不令擡頭看，  
忽見天丁叱火鈴。

我不生嗔怨玉皇，  
翠娥無復舞霓裳，  
如何天上神仙女，  
染汚清都一散郎。

夢斷南柯覺昨非，  
因緣盡處雨分飛，  
寒松空鎖翠娥夢，  
我獨于今未得歸。

玉府官僚無甚人，  
上皇憐我最辛勤，  
忽然詔下催歸去，  
猿叫萬山空白雲。

瑤池王母宴羣仙，  
兩部笙歌簇綺筵，  
誤取一

杖仙李喫又來人，  
世不知年

我到人間未百年，  
恰如頃刻在三天，  
向來我本雷霆吏，  
今更休疑作甚仙。

往昔逍遙在太華，  
朝餐玉乳看瓊花，  
當年身著六銖服，  
不識人間有苧麻。

做到天仙地位時，  
三遭天譴落天墀，  
却嫌天上多官府，  
且就人間洞府嬉。

白雲隨我見天台，  
又趁金華路上迴，  
樓風亭中留不去，  
武夷山下野猿哀。

說與清風明月知，  
揚州有鶴未能騎，  
夜來五鳳樓前看天上，  
白雲空自飛。

跌足蓬頭破衲衣，  
閑來飲酒醉吟詩，  
塵中走遍無人識，  
我是東華大帝兒。

這回空過二十年，  
肉重不能飛上天，  
抖擻衲頭還自笑，  
囊中也沒一文錢。

我有隨身一顆珠，  
見時似有覓時無，  
金雞叫罷無人見，  
月射寒光滿太虛。

不識看經不坐禪，  
飢來喫飯困來眠，  
玉皇若不閉青眼，  
却是凡夫骨未仙。

不把雙眸看俗人，  
五湖四海一空身，  
洞天深

處無人到溪上，  
桃花幾度春

桑田變海海成田，  
這話教人信也難，  
只有一般輸我處，  
君王未有此清閑。

題棲鳳亭

亭前綠密玉成叢，  
鳳宿枝頭煙雨空，  
簫管一聲人未寢，  
滿林明月浸清風。

聲傳翠瑟風生枕，  
影瀉琅玕月滿庭，  
白鳳飛來枝外宿，  
夜深點破一林青。

竹也多年管風月，  
鳳兮幾夜宿雲煙，  
林間有客吹簫去，  
竹化成龍鳳入天。

潘氏亭前飲一宵，  
酒酣對竹嘯瓊蕭，  
不知樓鳳來多少，  
鳳去人歸竹寂寥。

清勝軒花話

殘燈結花滿堂紅，  
酒興未已詩興濃，  
寒雲盡星鎖翠空，  
一林幽竹夜呼風，  
逸士倚樓嘯玉

龍蟬聲泣露落梧桐，  
把手論文開心胃，  
黑甜相催話未終，  
香篆飛蛇穿簾櫳，  
鄰雞喚曉何

處鐘摩挲醉眼欄，  
干東茶鑪無火召玉童，  
童子芒鞋七尺筇，  
踏破青山綠幾重。

夜宴清勝軒吟呈倪梅窓吳道士隱

南

山前階歇覺聲乾長嘯直入碧雲關梅窻主人携百壺一夜談話秋雨寒燈紅吐出玉虫巧道人太嘯拍床吼連榻隱南吳庚契要看紙上生蛇走停盃撐眼發詩顛橫捉一筆半欲眠笑把崑崙蘸滄海寫出新詞數萬篇

題清勝軒壁

奇花兩朵香一爐片心無事便清虛壁頭有琴床有劍浩歌梵曲聲虛徐物外志趣本不俗山軒清勝萬事足自勸之酒三兩盃無爭之基三兩局

再題清勝軒

滿林幽竹夜來風南極一點飛寒空玉爐異香透琳宮此間知有神仙翁清勝軒中頗幽絕白鬚道士持檀笏眉毛掀起溪上雲眼光爍破峯頭月瓊房壁上掛瑤琴把劍舞罷千古心蓬萊一別醉吹笛今日一見歌長吟天祇呵道綠煙起滿前五趙皆珠履倦虬縮尾青蛇死彈指傾倒天河水砂篆一揮走神鬼雷電霹靂動天地信知妙用古所無猶未收

拾歸天衢月冷風清白鶴唳寶幡飛霞逸玉壺武夷散人好詩酒昔者見君今番無

題清虛堂

月移花影來窻外風引松聲到枕邊長劍舞餘烹茗試新詩吟就抱琴眠酒醅初澄青螺隨香篆常燒紫馬鞭九曲溪頭冲佑觀清虛堂裏有神仙

初見懶翁詩

一掬精神迥出塵懶翁自是不凡人淵明松菊運猶綠靈運池塘草正春已把芝田栽拘把不將苦砌報蒲輪家傳衣鉢歸龍鳳自指冰壺嗣穎濱

賦詩二首呈懶翁

驚秋鏡裏鬢邊星到處溪山皆洞庭怒雨打蓮歌沼綠願風掣竹過墻青趁船紫燕呼芹渚縮頭白鴨眠荇汀荷笠欲尋懶翁去帶些爽氣入疎棹懶翁老白結忘年秋入淡煙疎雨天醉把黑甜圓箇夢時將草聖放些願杖藜還盡溪山債孟酌結交風月綠梭督青童馳謁槩鱗煩

柴吏饋雄篇金華都似一樸大却貯兩枚詩酒仙

六言六首呈懶翁

倦子冷居姑射居士高臥毗耶鈍置詩盟酒約只自焚香喫茶酒惡頻將花嗅睡酣便把茶燒秋到梧桐枝上夜來風雨瀟瀟

金醴青如竹葉玉娥白似蓮花聞君微恙脫體杖藜欲訪君家蓮葉嫌風狼藉稻苗得雨精神翻憶武夷九曲去秋臙棹溪濱

醉時枕上化蝶睡起筆下生蛇日長心下無事飢來只是餐霞

秋雨織愁成段暮雲過眼生花梅風亭中寂寞武夷舊有仙家

暮抵懶翁齋醉吟

旋開白酒買蓮房滿瀉桐膏炤玉缸月女冷窺青斗帳風神輕撼碧紗窻公疑我是今皇甫我恐公為昔老龐醉後唾珠粘紙面笑將筆力與人扛

白蓮詩

淵明歸西天不作東林社不見張昌宗無人  
舉此話誰家栽綠荷薰風漾碧波底水晶  
空化出玉姬娥嫣然冷無語冰肌臥曉雨東  
君如夏日此花不受暑一點天然香隨風入  
畫堂折之置坐隅窈窕弄玉郎忽然心緒變  
如親佳人面寄語明月樓莫時雙飛燕

鍊丹不成

八兩日月精半斤雲霧屑輕似一鴻毛重如  
千秤鐵白如天上雪紅如猩猩血收入玉葫  
蘆秘之不敢泄夜半忽風雷煙氣滿家次這  
般情與味啞子咬破舌捧腹付一笑無使心  
腦熱要整釣魚竿再斫秋筍節

修真十書武夷集卷之四十八

修真十書武夷集卷之四十九

贈王太尉

笑曳華裾出禁廷一聲長嘯萬山青歸來車  
馬如雲擁掃去蒼星似夢醒紅碼碯盃斟白  
酒碧珊瑚枕倚朱屏也須趁取些強學作箇  
唐人五達靈

復盧良庵韻

擬占朝班最上頭官清冷似一天秋風花雪  
月千金子水竹雲山萬戶侯海客盟鷗終不  
動寒翁失馬更何求明窻淨几華胥外蝴蝶  
翩翩自夢周

題張知丞儵然軒

不著人間一點塵儵然一室貯幽人清宵甕  
下酒中聖白晝筆頭詩注神芳草惜鋤憐綠  
淨落花慵掃愛紅勻碁聲隔斷華胥路自把  
博山燒暮春

和葉宰韻題震无咎齋

蝸角蠅頭既可憎如何又問利和名學他太  
古先天妙合取中庸一點誠乾坤所謂日月

祖坎離乃是天地精工夫學到震无咎隻字  
拔茅乘泰亨

立秋有懷陳上舍

沒巴沒鼻落一葉發顛發狂何處風九十日  
暑掃地去滿懷汗珠尋已空却煩察判潘孺  
子說與上舍陳友龍未宵無雨必好月一樽  
還要與君同

夢中得五十六字

醉醒曳杖訪松關正在黃昏香霧間既去復  
來秋後暑似無還有雨中山澗邊幾葉晚花  
落天際一鈎明月彎自覺餘煙埋屐齒行行  
印破鮮痕斑

胡中隱庵中傷春

盡把天工付祝融東皇歸去太華宮稜稜山  
色聳蒼玉湛湛波光浸碧銅楊柳入天鳩要  
兩海棠落地蝶嫌風好將杖履西園看萬紫  
千紅一夜空

寓息庵送春

筆下自然詩料飽天工釘出好山溪魚知水  
暖不勝躍鶯見花飛只管啼樹頭鳩使婦喚